

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 6. stav 2. Uredbe o Sekretarijatu za zakonodavstvo Vlade Zeničko-dobojskog kantona („Službene novine FBiH“, broj: 8/96 i „Službene novine Zeničko-dobojskog kantona“, broj: 2/05), članom 31. Zakona o državnoj službi Federacije Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06 i 4/12), članom 18. Pravilnika o pravilima i postupku provođenja javnog konkursa i postavljenja državnih službenika u organima državne službe Federacije Bosne i Hercegovine („Službene novine Federacije BiH“, broj: 13/19) i Mišljenja Agencije za državnu službu Federacije Bosne i Hercegovine, broj: 08-30-8-219-24/20 od 16.03.2021. godine, na prijedlog premijera, Vlada Zeničko-dobojskog kantona, na 99. sjednici, održanoj dana 26.03.2021. godine, d o n o s i

## **RJEŠENJE**

### **o postavljenju sekretara Sekretarijata za zakonodavstvo Zeničko-dobojskog kantona**

#### **I.**

Mirnes Burkić, dipl.pravnik, postavlja se na radno mjesto „sekretar Sekretarijata za zakonodavstvo“ u Sekretarijatu za zakonodavstvo Vlade Zeničko-dobojskog kantona za koje je određen II (drugi) platni razred - rukovodilac ureda, stručne i druge službe koji obrazuje Skupština i Vlada Kantona.

#### **II.**

Imenovani preuzima dužnost polaganjem i potpisivanjem zakletve vjernosti po obavijesti Agencije za državnu službu Federacije Bosne i Hercegovine da je konkursna procedura okončana i da može početi sa radom, odnosno po konačnosti ovog rješenja kada će se posebnim rješenjem regulisati sva prava i obaveze imenovanog iz radnog odnosa.

### ***O b r a z l o ž e n j e***

Postupajući po zahtjevu, Agencija za državnu službu Federacije Bosne i Hercegovine objavila je javni konkurs za popunu radnog mjesta rukovodećeg državnog službenika „sekretar Sekretarijata za zakonodavstvo“ u Sekretarijatu za zakonodavstvo Vlade Zeničko-dobojskog kantona.

Nakon okončane konkursne procedure za popunu upražnjenog radnog mjesta državnog službenika u Sekretarijatu za zakonodavstvo Vlade Zeničko-dobojskog kantona, dostavljanja Liste uspješnih kandidata od strane Agencije za državnu službu Federacije Bosne i Hercegovine broj: 08-30-8-219-20/20 od 24.02.2021. godine i pribavljenog Mišljenja Agencije za državnu službu Federacije Bosne i Hercegovine, broj: 08-30-8-219-24/20 od 16.03.2021. godine o ispunjavanju uvjete za postavljenje na radno mjesto državnog službenika, za kandidata Mirnesa Burkića, koji je u okviru javnog konkursa rangiran na prvom mjestu Liste uspješnih kandidata i sa najvećim procentom osvojenih bodova na stručnom ispitu, dakle kao najbolje ocjenjeni kandidat i za kojeg je procjenjeno da će najbolje obavljati poslove ovog radnog mjesta, stekli su se uslovi da se, shodno članu 31. stav 4. Zakona o državnoj službi u Federaciji Bosne i Hercegovine, izvrši postavljenje imenovanog na radno mjesto navedeno u dispozitivu ovog rješenja. Članom 31. stav 6. Zakona o državnoj službi u Federaciji Bosne i Hercegovine, propisano je da postavljeni državni službenik preuzima dužnost polaganjem zakletve vjernosti pred rukovodiocem organa državne službe.

S obzirom na prijavu i dokumentaciju kandidat Sifeta Dervića, ista je razmatrana u okviru odredbi Zakona o pravima branilaca i članova njihovih porodica („Službene novine FBiH“, broj: 33/2004, 56/2005-isp., 44/2005-odluka US, 70/2007, 9/2010, 95/2013-odluka US i 90/2017) i odredbi Zakona o dopunskim pravima branilaca i članova njihovih porodica („Službene novine Zeničko-dobojskog kantona“, broj: 1/14), te je utvrđeno da ne ispunjava uslove propisane članom 4., niti su dokazani uslovi iz člana 15. stav 2. istog Zakona. Osim navedenog nije ispunjen ni uslov „pod jednakim uvjetima“, jer je Mirnes Burkić ostvario veći procenat bodova na stručnom ispitu,

što je evidentirano u Listi uspješnih kandidata.

Platni razred za navedeno radno mjesto utvrđen je u skladu sa članom 20. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18, 10/19 i 11/19-isp.).

Na osnovu navedenog, rješeno je kao u dispozitivu ovog rješenja.

**Pravna pouka:** Protiv ovog rješenja može se izjaviti žalba Odboru državne službe za žalbe Federacije BiH, u roku od 15 dana od prijema rješenja.

Broj: 02-\_\_\_\_\_ /21  
Datum, 26.03.2021. godine  
Zenica

**PREMIJER**  
po Odluci predsjedavajućeg Skupštine

***Mirnes Bašić***

DOSTAVLJENO:

1x Imenovani,  
1x Sekretarijat za zakonodavstvo,  
1x Agencija za državnu službu Federacije BiH,  
1x Personalni dosije,  
1x Oglasna tabla,  
1x a/a.